



Convenio de colaboración entre a entidade pública empresarial Augas de Galicia, a Deputación provincial de Lugo e o Concello de Viveiro para a redacción do proxecto que sirva de base para executar actuacións que contribúan a minimizar o risco asociado á área de risco potencial significativo de inundación (ARPSI) do río Fontecova, situado en Viveiro

REUNIDOS

Dunha parte, Ethel María Vázquez Mourelle, conselleira de Infraestruturas e Mobilidade, nomeada polo Decreto 95/2018, do 26 de setembro, en nome e representación da entidade pública empresarial Augas de Galicia, no exercicio das funcións atribuídas polos artigos 13 da Lei 9/2010 e 6 do Estatuto da entidade pública empresarial Augas de Galicia, aprobado polo Decreto 32/2012, do 12 de xaneiro.

Doutra parte, José Tomé Roca, presidente da Deputación Provincial de Lugo, nomeado en Pleno extraordinario o 18.07.2019, no exercicio das atribucións conferidas polo artigo 34.1 da Lei 7/1985, de 2 de abril, de Bases do Réxime Local.

Doutra parte, María Loureiro García, alcaldesa do concello de Viveiro, no exercicio das atribucións conferidas no artigo 21 da Lei 7/1985, de 2 de abril, de Bases do Réxime Local.

EXPOÑEN

Primeiro.- O Concello de Viveiro ten atribuída, entre outras, a competencia de medio ambiente, regulada no artigo 25 da Lei 7/1985, do 2 de abril, reguladora das bases de réxime local, e no artigo 80.2.f) da lei 5/1997, do 22 de xullo, da administración local de Galicia que atribúe aos concellos competencias medioambientais, nos termos da lexislación do Estado e das Comunidades Autónomas.

Segundo.- A entidade pública Augas de Galicia, entidade creada pola Lei 9/2010, do 4 de novembro, de augas de Galicia e regulada polo Decreto 32/2012, do 12 de xaneiro, polo que se aproba o seu estatuto é unha entidade pública empresarial do sector público autonómico de Galicia, adscrita á Consellería de Infraestruturas e Mobilidade, con personalidade xurídica propia e plena capacidade de obrar para o cumprimento dos seus fins, e constitúe o medio, xunto co resto de órganos que integran a Administración hidráulica de Galicia, a través do cal a Comunidade Autónoma de Galicia exerce as súas competencias en materia de augas e obras hidráulicas.

Augas de Galicia ten competencias para adoptar medidas de protección dos recursos hídricos e dos ecosistemas acuáticos, e correspóndenlle, como organismo de conca, as funcións de administración e control do dominio público hidráulico, conforme ao disposto na Lei 9/2010, do 4 de novembro, de augas de Galicia e no Texto refundido da Lei de augas, aprobado polo Real decreto legislativo 1/2001, do 20 de xullo.

Terceiro.- Tanto a Lei 7/1985, do 2 de abril, Reguladora de Bases do Réxime Local, (en diante LRRL) no seu artigo 36, como a Lei 5/1997, do 22 de xullo, da Administración Local de Galicia, (en diante LALG) no seu artigo 109, establecen como competencias propias das Deputacións Provinciais a asistencia e a cooperación xurídica, económica e técnica aos municipios integrantes das mesmas.





No exercicio de tales competencias de asistencia económica ao Concello de Viveiro, a Deputación Provincial de Lugo está disposta a cofinanciar a presente actuación.

Cuarto.- O artigo 57 da Lei 7/1985, de 2 de abril, de bases do réxime local e o 194 da Lei 8/1997, do 22 de xullo, da Administración local de Galicia determinan que a cooperación económica, técnica e administrativa entre a Administración Local e as Administracións do Estado e das Comunidades Autónomas, tanto en servizos locais como en asuntos de interese común, desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante os convenios administrativos que subscriban.

Quinto.- En cumprimento do establecido no Real Decreto 903/2010, de 9 de xullo, de avaliación e xestión de riscos de inundación, que traspón á lexislación española a Directiva 2007/60/CE, do Parlamento Europeo e do Consello, de 23 de outubro de 2007, relativa á avaliación e xestión dos riscos de inundación, Augas de Galicia redacta, e revisa cada seis anos, a avaliación preliminar do risco de inundación (EPRI) da demarcación hidrográfica Galicia Costa, en colaboración coas autoridades de Protección Civil, a Administración xeral do Estado e outros órganos competentes das comunidades autónomas

O proceso de planificación, unha vez declarada unha zona como área de risco potencial significativo de inundación (ARPSI), leva consigo o posterior desenvolvemento de mapas de perigosidade e risco de inundación, para a súa incorporación ao plan de xestión de riscos de inundación da Demarcación Hidrográfica Galicia-Costa, no que se determinan as medidas a realizar por cada unha das autoridades competentes de cara a minimizar os efectos negativos das enchentes.

Nas ARPSIS con maior risco, recollese a necesidade de redactar un Plan Específico de Xestión do Risco de Inundación, no que se traballa a nivel de detalle na propia Área con Risco Potencial Significativo de Inundación para tratar de minimizar os riscos concretos da ARPSI, incrementar a calidade ambiental das contornas fluviais e recuperar a condición dos ríos como hábitats naturais, abordando todas as tipoloxías de medidas a adoitar por parte de cada unha das autoridades competentes.

No plan de xestión específico realizado na ARPSI do río Fontecova, situado en Viveiro, Augas de Galicia contemplou varias opcións para realizar actuacións que contribúan a minimizar o risco asociada a dita ARPSI. De entre todas as opcións analizadas, o Concello de Viveiro decidiu que se realicen as actuacións que constan no Anexo II.

Sexto.- Atendendo ao anterior, as partes queren colaborar para redactar un proxecto que sirva de base para no futuro executar actuacións que contribúan a minimizar o risco asociado á Área de risco potencial significativo de inundación (ARPSI) do río Fontecova, situado en Viveiro.

Polo tanto, e tendo en conta os beneficios que se derivan tanto para os habitantes da zona como para o entorno natural, as partes pretenden colaborar para executar as citadas actuacións. Así, considerando a confluencia dos intereses das partes comparecentes, faise preciso artellar as bases para a óptima coordinación das súas actuacións, motivos polos que as partes subscriben este convenio de colaboración con suxeición ás seguintes

CLÁUSULAS

PRIMEIRA.- OBXECTO DO CONVENIO

É obxecto deste convenio establecer as condicións básicas para a colaboración entre Augas de Galicia, a Deputación Provincial de Lugo e o Concello de Viveiro que permitan realizar un proxecto



construtivo que sirva de base para executar actuacións que contribúan a minimizar o risco asociado á Área de risco potencial significativo de inundación do río Fontecova, concello de Viveiro.

SEGUNDA.- OBRIGAS

A. Para o cumprimento do obxecto deste convenio, Augas de Galicia obrígase a:

1. Licitar, adxudicar e exercer todas as facultades inherentes ao órgano de contratación no contrato que se formalice para executar o obxecto do convenio indicado na cláusula primeira, de conformidade co estipulado na Lei 9/2017, de 8 de novembro, de contratos do sector público.
2. Financiar as actuacións obxecto do convenio do xeito estipulado na cláusula terceira.
3. Poñer en común coas demais partes outorgantes do convenio o proxecto construtivo obxecto deste convenio, unha vez recibido.
4. No ámbito das súas facultades, colaborar coas outras partes no desempeño das súas obrigas e afrontar e intentar resolver, conforme aos principios de boa fe e lealdade, calquera dificultades ou problemas que poidan xurdir no desenvolvemento da actuación, tendo como único criterio da súa xestión, o logro dos obxectivos que se pretenden alcanzar con esta obra hidráulica.

B. Para o cumprimento do obxecto deste convenio, o Concello de Viveiro obrígase a:

1. Financiar as actuacións nos termos establecidos na cláusula terceira. Consta o documento contable RC que recolle as anualidades estipuladas no Anexo I, acompañado dun certificado de existencia de crédito.
2. No ámbito das súas facultades, colaborar coas outras partes no desempeño das súas obrigas e afrontar e intentar resolver, conforme aos principios de boa fe e lealdade, calquera dificultades ou problemas que poidan xurdir no desenvolvemento da actuación, tendo como único criterio da súa xestión, o logro dos obxectivos que se pretenden alcanzar con esta obra hidráulica.

C. Para o cumprimento do obxecto deste convenio, a Deputación Provincial de Lugo obrígase a:

1. Financiar as actuacións nos termos establecidos na cláusula terceira. Consta o documento contable RC que recolle as anualidades estipuladas no Anexo I, acompañado dun certificado de existencia de crédito.
2. No ámbito das súas facultades, colaborar coas outras partes no desempeño das súas obrigas e afrontar e intentar resolver, conforme aos principios de boa fe e lealdade, calquera dificultades ou problemas que poidan xurdir no desenvolvemento da actuación, tendo como único criterio da súa xestión, o logro dos obxectivos que se pretenden alcanzar con esta obra hidráulica.

D. Unha vez recibido por Augas de Galicia o proxecto obxecto deste convenio, as partes comprométese, previa aprobación, se procede, polo órgano competente, a formalizar un novo convenio de colaboración para executar as actuacións obxecto do dito proxecto.

Con anterioridade á sinatura do convenio para a execución das obras comprendidas no proxecto, o Concello de Viveiro deberá ter realizados os trámites para poder poñer á disposición de Augas de Galicia os terreos de titularidade pública municipal, así como os terreos de titularidade privada sobre os que se vaia a actuar.



TERCEIRA - RÉXIME DE FINANCIAMENTO E OBRIGAS DE CARÁCTER ECONÓMICO

1. O custo total das actuacións contempladas ascende a sesenta e nove mil euros (69.000,00 €) que se asumirán pola entidade pública Augas de Galicia, a Deputación Provincial de Lugo e o Concello de Viveiro a partes iguais.

2. Para o financiamento desta cantidade, Augas de Galicia dispón de crédito suficiente e axeitado na conta financeira 219, “Outro inmovilizado inmaterial”, do Plan Xeral de Contabilidade Pública de Galicia. A achega de Augas de Galicia de anualidades futuras está condicionada á existencia de crédito nos seus correspondentes orzamentos.

3. De acordo co anterior, o financiamento levarase a cabo do seguinte modo:

- Augas de Galicia achegará 23.000,00 euros do custo inicialmente previsto.
- A Deputación Provincial de Lugo achegará 23.000,00 euros (dos que 3.000,00€ son con cargo ao orzamento do 2020 e 20.000,00€ na anualidade de 2021), do custo inicialmente previsto, con cargo á súa aplicación orzamentaria 1720.753.
- O Concello de Viveiro achegará 23.000,00 euros do custo inicialmente previsto, con cargo á súa aplicación orzamentaria 1700 753.

4. Cada parte asumirá, en idéntica porcentaxe, as variacións económicas, á alza ou á baixa, pola adxudicación do contrato de redacción do proxecto, e por posibles indemnizacións aos contratistas derivadas do cumprimento da vixente normativa sobre contratos do sector público.

De supoñer variacións económicas a alza, deberá ser previamente aprobada addenda de modificación ao efecto.

5. Para a execución deste convenio, establécense, inicialmente, as anualidades previstas no cadro que figura como Anexo I. As anualidades poderán modificarse, á alza ou á baixa, sempre que sexa necesario acomodar o financiamento á execución das actuacións obxecto do convenio.

6. As achegas da Deputación Provincial de Lugo e do Concello de Viveiro abonaranse directamente á entidade pública empresarial Augas de Galicia, no número de conta que a entidade indique ao efecto, tras as solicitudes correspondentes e de conformidade co ritmo de execución das actuacións executadas. A tal efecto, Augas de Galicia remitirá periodicamente as certificacións aprobadas, de ser o caso, e facturas acompañadas dos xustificantes de pagamento. As transferencias de fondos efectuaranse no prazo de dous meses desde a recepción da documentación por medios electrónicos.

CUARTA.- RELACIÓN LABORAL

A subscrición deste convenio non implica relación laboral, contractual ou de calquera tipo con carácter indefinido, entre os profesionais que desenvolvan as actividades e a entidade pública empresarial Augas de Galicia, de tal xeito que non se lle poderá esixir responsabilidade ningunha, nin directa, nin subsidiaria, polos actos ou feitos ocorridos no desenvolvemento deste.

QUINTA.- COMISIÓN DE SEGUIMIENTO

Constituirase, a iniciativa de calquera das partes, unha comisión formada por dous representantes de cada unha das partes para desenvolver as seguintes actuacións:





- Impulsar e avaliar o cumprimento deste convenio, proponendo as actuacións que se consideren precisas.
- Interpretar, en caso de dúbida, o contido do convenio.
- Proponer ás partes a resolución das posibles controversias que puideran xurdir na aplicación do convenio.

Actuará como Presidente un dos representantes de Augas de Galicia, con voto de calidade.

Esta comisión reunirse as veces que se estimen oportunas para o cumprimento do convenio.

Os membros desta comisión de seguimento poderán asistir ás reunións desta acompañados do persoal técnico que consideren oportuno. Ademais, cando se considere oportuno, a comisión de seguimento poderá requirir a asistencia técnica necesaria para a avaliación e análise das distintas cuestións sobre as que deban adoptarse acordos.

SEXTA.- NATUREZA DO CONVENIO

Este convenio de colaboración ten natureza administrativa, rexendo na súa interpretación e desenvolvemento o ordenamento xurídico-administrativo.

Todo litixio, controversia ou reclamación resultantes deste Convenio ou relativo a este, a súa interpretación ou execución, o seu incumprimento, resolución ou nulidade, resolverase pola xurisdición contencioso-administrativa.

SÉTIMA.- VIXENCIA DO CONVENIO

O convenio terá efectos desde a data da súa sinatura e estenderá a súa vixencia ata o 31 decembro de 2021. Porén, seguirá producindo efectos en tanto se manteñan as obrigas pendentes de cada unha das partes recollidas neste convenio

OITAVA.- MODIFICACIÓN DO CONVENIO

Calquera modificación no contido deste convenio, requirirá acordo unánime entre as partes e tramitarase a través dunha addenda ao mesmo.

NOVENA.- EXTINCIÓN DO CONVENIO

Será causa de extinción automática do convenio:

- o cumprimento do seu obxecto
- o transcurso do seu prazo de vixencia, sen acordarse a prórroga deste.

Este convenio tamén poderá extinguirse por incorrer nalgunha das seguintes causas de resolución:

- o acordo unánime entre as partes asinantes
- a inviabilidade da realización das actuacións descritas neste convenio, por causas non imputables ás partes
- pola entrada en vigor de disposicións legais ou regulamentarias que determinen a súa extinción.

A resolución con causa nalgún dos supostos anteriores non levará asociada indemnización a ningunha das partes.





Ademais, será causa de extinción por resolución o incumprimento do contido do convenio ou das obrigas establecidas para cada unha das partes, sen prexuízo da esixibilidade dos danos e responsabilidades imputables ao causante, que, no seu caso, incluíra a indemnización que lle corresponda ao contratista como consecuencia da resolución do contrato ou demora no inicio da execución do contrato. Neste suposto, antes da resolución do convenio, a parte que considera que se está producindo un incumprimento deberá notificar á parte incumpridora un requirimento cun prazo máximo para que leve a cabo os compromisos que se consideran incumpridos e informará, achegando copia do citado requirimento, ás outras parte e á comisión de seguimento do convenio. Unha vez transcorrido ese prazo, se persiste o incumprimento, a parte que dirixiu o requirimento notificará ás outras partes a concorrencia da causa de resolución e entenderase resolto o convenio.

Non obstante todo o anterior, se cando concorra calquera das causas de resolución do convenio existen actuacións en execución, as partes, a proposta da Comisión de Seguimento, poderán acordar a continuación e finalización das actuacións en curso que se consideren oportunas, establecendo un prazo improrrogable para a súa finalización.

DÉCIMA. - PROTECCIÓN DE DATOS DE CARÁCTER PERSOAL

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), da Lei Orgánica 3/2018, do 5 de decembro, de protección de datos persoais e garantía dos dereitos dixitais e demais normativa vixente de aplicación en cada momento en materia de protección de datos.

UNDÉCIMA. PUBLICIDADE

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno e o Decreto 126/2006, do 20 de xullo, polo que se regula o rexistro de convenios da Xunta de Galicia.

E para que así conste, en proba de conformidade coas cláusulas deste convenio, as partes asinan electrónicamente este convenio.

A presidenta de Augas de Galicia	O presidente da Deputación Provincial de Lugo	A alcaldesa de Viveiro
Ethel María Vázquez Mourelle	José Tomé Roca	María Loureiro García





Anexo I. Anualidades

Anexo II. Actuacións a desenvolver no proxecto construtivo





ANEXO I

ANUALIDADES

	2020	2021	TOTAL
Augas de Galicia	3.000,00 €	20.000,00 €	23.000,00 €
Concello de Viveiro	3.000,00 €	20.000,00 €	23.000,00 €
Deputación Provincial de Lugo	3.000,00 €	20.000,00 €	23.000,00 €
Total	9.000,00 €	60.000,00 €	69.000,00 €





Anexo II. Actuacións a desenvolver no proxecto construtivo

PLAN ESPECÍFICO XESTIÓN RISCO INUNDACIÓN ARPSI ES014LU-17-01-01 RÍO FONTECOVA			
M02	MEDIDAS DE PROTECCIÓN DURANTE AS INUNDACIÓNS ARPSI ES014LU170101 RÍO FONTECOVA		
	MEDIDA	TRAMO	COORDINADOR
M02.1	AUMENTO E NATURALIZACIÓN DO CAUCE		
	Aumento e Naturalización de cauce	T1- T2- T3	Augas/Concello/Deputación
	Construción de pasarela acceso s/alternativa	T2	
	Reforzar cimentacións danadas	T1-T2	
	Ampliación de pontes 1 e 3	T1-T2	
	Fonte	T2	
M02.2	OTRAS MEDIDAS PUNTUAIS NA ARPSI		
	Eliminación de edificios e ruinas pegadas cauce	T1-T2	Concello
	Reubicación do lavadero	T2	

